

Зуфтуна РАСУЛОВА

НУРЛАР ОҶАНГИ

Қарши
«Насаф» нашриёти
2006

84(54)6-5

Нурлар оҳанги... Уни ҳис қилиш учун кишида шоирона
ҳассос қалб бўлиши керак.

Бу нурлар оҳанги қалбимга
Эяпти муҳаббат гулларин.
Жилоси ёритиб йўлларим,
Улғайтар фикримни кун сайин.

Мана сизга нурлар оҳангининг қалбга ташрифи!

Истеъдодли ёш шоира Зуфтуна Расулованинг мазкур
тўпламчасини ўқир экансиз, ундаги ўзига хос тарзда
ифода этилган гўзал ташбеҳлар, қуйилиб келган сатрлар
руҳингизга ҳамоҳанг бўлади, деган ўйдамин.

10-32390/081



P 4702620202-31 31-2006

З.Расулов, 2006 й.

ISBN 5-7323-0511-5

ВАТАН

Ватан билан ободдир кўнгил,
Ватан, дея уради юрак.
Дўстим, унга меҳрингни қўйгил,
Усиз яшаб бўлмаса керак.

Қанчалар тўқ хорижда ўзбек,
Аммо Ватан, дея йиглайди.
У ўзига бўлолмаса бек,
Ори учун бағрин тиглайди.

Шунинг учун азиздир Ватан,
Қаъбам, дея тавоф этаман.
У - гурурим, удир менга шаън,
Унга атаб шеърлар битаман.

ИСТИҚЛОЛ

Ажойиб тонглар отди,
Қора кун тундек ботди,
Хурлигинг кўролмаган -
Ғофил тили тош қотди.

Оташдирсан, истиқлол,
Ёруғ менга истиқбол.
Бобом қиларлар дуо,
Қувончдан бўлиб хушҳол.

Сенга умрлар тилай,
Мангу хизматинг қилай.
Хуррият байроғини
Осмон тоқига илай.

ЎЗБЕК ЭЛИМ

Жаҳон танир элимни,
Нур ёритсин йўлимни.
Мен бир кичик қизиман,
Мустақил Ўзбекистонни.

Меҳрим қўйиб яшайман,
Қўшиқ айтиб яшнаймаман.
Меҳнат-ла гуллатгайман,
Мустақил Ўзбекистонни.

Ўзбек элим тинч, обод,
Барча инсон хуррам, шод.
Униб ўссин ёш авлод,
Мустақил Ўзбекистонни.

Тоза бўлсин осмони,
Гулласин боғ-бўстони.
Кўпайсин пахта, дони,
Мустақил Ўзбекистонни.

Шарқираб оқсин доим,
Анҳорда зилол суви.
Муборак бўлсин унга,
Мустақил катта тўйи.

Жаҳон танир элимни,
Нур ёритсин йўлимни.
Шеъримда таъриф этай,
Мустақил Ўзбекистонни.

ҚИЗИМАН

Вужуд чарчоқни қувар,
Бахт дил ғуборин ювар,
Шодликлар мени суяр,
Хур ўзбекнинг қизиман.

Оппоқ толе йўлимда,
Кўп имконлар қўлимда,
Гуллар унар йўлимда,
Қашқадарё қизиман.

Осмонидир мусаффо,
Ҳавоси танга даво,
Юртимда янграр наво,
Истиклолнинг қизиман.

ОНАМ АЛЛАСИ

Бир дилдор кўшиқдан сармастман,
Қулоғим остида жаранглаб турар.
Оҳанги ром этган, сармастман,
У кўшиқ мен билан улғаяр.

Эзгулик сарига чорлайди,
Яратиш ишқида ёнаман.
Орзулар йўлимда порлайди,
Умидлар ортидан чопаман.

У кўшиқ онамнинг алласи,
Қалбимга ифорлар элайди.
Алла - бу келажақ эртаси,
Умримни нурларга белейди.

ТЕМУР БОБОМ

Туронзамин асрлардан
Асрларга бўйлайди.
Темур бобомнинг руҳлари
Халқимизни қўллайди.

Тузуқлари доим қўлда,
Ҳақгўйликка чорлайди.
Истикболи ёруғ йўлда,
Қуёш каби порлайди.

Оқсарой Сароймулкхоним
Ўтмишидан сўзлайди.
Ажиб-ажиб ривояти
Асрлардан бўйлайди.

Соҳибқирон бобом билан,
Арзийди ғурур қилсак.
Руҳларини шод этамиз,
Тузуқларин ёд билсак.

БАҲОР МАНЗАРАСИ

Қалди роқ қалди раб, чақнади чақмоқ,
Бир лаҳза ёришди жумлаи жаҳон.
Сукунат чекинди, титради ҳар ёқ,
Гулдурак зарбидан она-Ер ҳайрон.

Куюндек бостириб келди-ю булут,
Шаҳд билан ёмғирин Ерга ташлади.
Калтақдан бошини эгди майса, ўт,
Куртаклар кўнглини бир дам ғашлади.

Хуршид жамолини кўрсатди шу дам,
Гулдурак исёни зумда чекинди.
Гуллар косасида ялтирар шабнам,
Шарроси ёмғирнинг овози тинди.

НАВРЎЗ

Қирларда тўшалган лолалар,
Солланиб ўзини этади кўз-кўз.
Гулчамбар ясашар болалар,
Ташрифинг муборак гул Наврўз.

Осмонда товланган камалак,
Бир ажиб гўзаллик яратар.
Қозонда қайнаган сумалак -
Хуш бўйи ўзига қаратар.

Наврўзда яшарар қир, дала,
Яшариб кетади ҳатто дил.
Қушлар куйлаб ўтар бир гала,
Чаҳ-чаҳидан яйрайди кўнгил.

Тонглари отади ёришиб,
Таърифга тополмам битта сўз.
Гўзаллик кетади қоришиб,
Оламга мўъжиза яратар Наврўз.

БАҲОРЖОНИМ

Куёш чарақлаб кулиб,
Ерга нурларин сочди.
Қиш қовоғи юмилиб,
Замин кўрпасин очди.

Дарахтлар тақиб балдоқ,
Қизғалдоқлар очилди.
Ўриклар гуллаб бодрок,
Ифорлари сочилди.

Кўнглим ёришиб бирдан,
Туйғуларим кўз очди.
Огоҳ бўлдим бир сирдан,
Кўзимдан уйқу қочди.

Баҳоржоним, дилимга
Нелар ташлаб қочибсан.
Ўн етти ёшлигимга
Шеър ишқини сочибсан.

ХАЁТ

Умр - асов от мисол,
Кетаяпти югуриб.
Болалик, энди хуш қол,
Мендан кетдинг сурилиб.

Поёнсиз йил қатида
Кун, ойлар ётар тўлиб.
Хотиротнинг бағрида
Энди қолдинг туш бўлиб.

Хаёт, олов ёшлигим,
Нурга тўлдир қучоғин.
Баҳордай безагинки,
Унутмасин шу чоғин.

Бу фаслнинг бағрида
Ижод қилай тўкиб тер.
Ҳеч бўлмаса бир лаҳза,
Буни менга қўйиб бер.

Умр - асов от мисол,
Кетаяпти югуриб.
Болалигим эсга сол,
Қўймай уни унутиб.

НУРЛАР ОҲАНГИ

Ой менга ўқийди эртақлар,
Нурлари силайди бошимни.
Рухимни самога етаклар,
Унутиб тинглайман ўзимни.

Бу нурлар оҳанги қалбимга
Экяпти муҳаббат гулларин.
Жилоси ёритиб йўлларим,
Улғайтар фикримни кун сайин.

Онамнинг, юртимнинг меҳрини
Юракдан ҳар лаҳза сезаман.
Мени улғайтирган оҳанг сеҳрини
Бир кун шепр қилиб битаман.

ТЕРАК

Юксакка талпиниб ўсади,
Ўхшайди у мағрур одамга.
Шамоллар йўлини тўсади,
Чақирмас ҳеч зоғни ёрдамга.

Ўз ўсган кўрғонин асрайди,
Ёввойи довуллар касридан.
У худди аскарга ўхшайди,
Тонмайди ҳеч қачон аҳдидан.

СОФИНАМАН

Бувим Азиза Рўзиеванинг ёрқин хотирасига

Бувижон, бир соғинч қўнглим ғашлайди,
Таскин ахтараман ўзимни алдаб.
Туннинг чодрасини юлиб ташлайди,
Мени улғайтирган сиз айтган эртак.

Қўнглимнинг бепоён кенгликларини
Ёритди, бойитди ҳикматларингиз.
Бевафо дунёнинг кемтикларини
Бувижон, илк бора сиз англадингиз.

Дунёни танитди нигоҳларингиз,
Шуурим ёришди эзгу ҳислардан.
Бугун қўмсаяпман ўғитларингиз,
Айтинг, розимисиз бувим, бизлардан?

Қалбим ўртанганда қўлимдан тутди,
Меҳрин нисор этди онажонгинам.
Соғинч дил қўчамни тўлдириб ўтди,
Рухингиз тирикдир, бувижонгинам.

КАЛИШЧАМ

Самарқанддан бувижоним,
Ана, келиб қолдилар.
Қўлларимга калиш тутиб,
Сўнг опичлаб олдилар.

Чиройли, юмшоққина,
Қаранглар, бирам ихчам.
Менга ёқди шундоққина,
Жажжигина калишчам.

Кулиб қараб қолишди
Ойим, дадам, укачам.
Энди оёғим бўлмас -
Билинглар, ҳеч қачон нам.

СИЗНИ СОҒИНИБ...

Амаким Аҳрор Расулов хотирасига

Дунё - фоний деганлари рост экан,
Ёруғ кунни қоронғулаб кетдингиз.
Ажал - умр учун бамисли тикан,
Эрта кетиб ахир унда нетдингиз?

Отангиз, онангиз кўзида армон,
Рафиқангиз йўлингизда бўзлайди.
Отасизлик дардларига ким дармон -
Фарзандингиз жигар-бағрин тиглайди.

Амакижон, дийдор бизга зор бўлди,
Ҳажрингизда семирди-ку андуҳлар.
Паймона дегани бунча тез тўлди,
Қалбимни қийнайди қайғулар.

На илож, жаннатдан тилайман жойлар,
Ўғлингиз жисмида бор сувратингиз.
Сизни унутмаймиз ўтса-да йиллар,
Фақат таскин берар суратларингиз.

МУНДАРИЖА

Ватан	3
Истиқлол	3
Ўзбек элим	4
Қизиман	5
Онам алласи.....	5
Темур бобом	6
Баҳор манзараси	7
Наврўз	8
Баҳоржоним	9
Ҳаёт.....	10
Нурлар оҳанги	11
Терак	11
Соғинаман.....	12
Калишчам	13
Сизни соғиниб.....	14

АДАБИЙ-БАДИИЙ НАШР

РАСУЛОВА ЗУФТУНА

НУРЛАР ОҲАНГИ

Шеърлар

Муҳаррир: З.Омонова.

Техник муҳаррир: Ч.Раҳмонов.

Мусахҳиҳ: З.Очилова.

Бадий безакчи: Ж.Норқобилов.

ИБ 1032

Теришга 15.06. 2006 йилда берилди. Босишга 20.06.2006 йилда рухсат этилди. Бичими 84x108 $\frac{1}{32}$. Шартли босма тобоғи 0,84. Шартли бўёқ-оттиск 0,90. Нашр босма тобоғи 0,46. 40-2006-шартнома. 223-буюртма. 150 нусхада. Эркин нархда.

«Насаф» нашриёти, 730018. Қарши шаҳри, Мустақиллик шоҳ кўчаси, 22-уй.